

影印
文淵閣

四庫全書

影印

文淵閣四庫全書

第四九〇冊

北京出版集團公司
北京出版社

本冊目次

咸淳臨安志

宋 潛說友撰……………一

欽定四庫全書

史部
咸淳臨安志卷二

詳校官編修臣潘廷筠

檢討臣德生覆勘

總校官知縣臣楊懋珩

校對官助教臣卜維吉

謄錄監生臣范廷驊

欽定四庫全書

史部十一

咸淳臨安志

地理類三

都會郡縣之屬

提要

欽定四庫全書

咸淳臨安志
提要

臣等謹案咸淳臨安志九十三卷元潛說友撰說友字君高處州人宋淳祐甲辰進士咸淳庚午以中奉大夫權戶部尚書知臨安軍府事封縉雲縣開國男時賈似道勢方熾說友曲意附和故得進越四年以誤捕似道私

林罷明年起守平江元兵至棄城先遁及宋亡在福州降元受其宣撫使之命後以官軍支米不得王積翁以言激衆遂為李雄剖腹死其人殊不足道而其書則頗有條理前五卷為行在所錄記宮禁曹司之事自十六卷以下乃為府志區畫明晰體例井然可為都城紀載之法其宋代詔令編于前代之後則用徐陵玉臺新咏置梁武于第七卷例也

他所序錄亦理析條分可資考據故明人作西

西湖志諸書多採用之朱彝尊謂宋人地志

幸存者若宋次道之志長安梁叔子之志三

山范致能之志吳郡施武子之志會稽羅端

良之志新安陳壽老之志赤城每患其太簡

惟潛氏此志獨詳然其書流傳既久往往闕

佚不全舊無完集彝尊從海鹽胡氏常熟毛

氏先後得宋槧本八十卷又借抄一十三卷

欽定四庫全書

咸淳臨安志
提要

二

而其碑刻七卷終闕無可考補今亦姑仍其

舊焉乾隆四十六年正月恭校上

總纂官臣紀昀臣陸錫熊臣孫士毅

總校官臣陸費墀

咸淳臨安志原序

恭惟聖宋受命奄旬萬方大明中天燭燐自息迺太平

興國三年吳越以其地歸我職方氏是歲杭始置守丞

建炎陞府遂為行在所按府志杭舊屬會稽禹於此舍

航而陸故名恭聞光堯大駕初臨登郡治中和嘗作為

歌詩慨懷夏后氏之烈聖心曠數千百載而神交固有

幾乎禹迹之外其亦見夫流風通俗得過化之所存而

有感焉耳嘗試觀之有車舡橈楫之蹟故其人至于今

欽定四庫全書

咸淳臨安志
原序

忠以勤有苗山封爵功德之會故其人至于今勸於為

善有織貝橘柚之貢故其人至于今知尊君而愛親錢

氏生長其間性習自然國三世四王而終不失其臣節

迨宋之興也深察夫人心歸德之天如川斯赴莫之能

止則一旦決然舍去其固有之業以受命于朝忠懿誠

忠矣抑杭之人何莫非忠懿天地之間燥濕風雲萬物

一氣杭獨為天下先者以先王聲教之所漸者遠知帝

王正統所在焉故也自時厥後我國家眎之如在甸服

率選公卿大臣寵綏之豈徒以地大故要必有所甚重者湛恩醲化涵浸滋久益固結而不可解南渡艱難之際旄倪提攜左簞右壺牛酒相屬於道頓首六虯之下如見父母誓有殞無貳雖屢更大震撼而莫之變迄用永我命於茲新邑迹是三百季間杭之有功於國家也甚大而祖宗之有德於杭亦深矣開慶羣小誤國召戎

一時謀臣或倡異議幾搖根本賴先皇帝蔽自上志獨

倚今太傅辯章國公外頓八紘內維九鼎宗廟社稷之

欽定四庫全書

咸淳臨安志
原序

三

靈恃以安寧卒之披攘蒙霜再奠宇宙至今八街九陌

歌鼓四時往往相與咨歎不圖復見今日烏乎我理宗

有德於杭也不又大歟杭之福諸夏之福也肆皇上克

篤前烈宅中圖大不以愚臣為不肖命殿是邦幸遇朝

廷治平年穀屢登浩穰之府化為簡靜因得以蓋其疵

疵暇日視故府閱郡乘或病其漏且舛乃葺而正之增

而益之凡為圖為表為志摠百卷而冠以行在所錄尊

王室也既成上之天府以備攷數之萬一焉禹貢稱冀

州既載釋者謂以貢賦役事載之書其於天子所自治之國謹重固如此九州攸同言歸舊京聖子神孫尚克念我光堯懷禹之遺志云中奉大夫權戶部尚書兼詳定勅令官兼知臨安軍府事兼管內勸農使兩浙西路安撫使馬步軍都總管兼點檢行在贍軍激賞酒庫所緡雲縣開國男食邑三百戶潛說友謹序

欽定四庫全書

咸淳臨安志
原序

三

凡例

一御製御書詔令惟闕行在所門目及刻石公宇者則恭載本處他不敢輒及

一朝事有闕典故及聖德者附載各門

一宮闕郊廟門所錄臣下著述惟奉勅撰及經乙覽并恭御製御書方敢登載仍附註於下餘門不用此例

一舊志叙次行都官府有名稱一字偶同者即彙為一處如牛羊司列於大宗正司省馬院列於檢鼓院今

欽定四庫全書

咸寧縣志

畧倣職源次第叅以國朝會要各從其類庶免混淆

一舊志帥守書府尹按國朝舊志儲君及親王乃除尹

今事闕君上則稱守臣餘止書守字


一宮觀祠廟惟上闕朝廷典禮者載於此餘並入臨安

志


一諸題咏以類附於編末然不敢泛取惟朝儀朝事及

規制有可考見者錄焉


府治圖







京城圖





浙江圖









欽定四庫全書

咸淳臨安志卷一

宋 潛說友 撰

行在所錄

序錄

關

欽定四庫全書

咸淳臨安志
卷一

駐蹕次第

建炎三年二月壬戌高宗皇帝車駕自揚州幸杭州。

四月癸丑殿中侍御史王庭秀請進幸江寧。○丁卯

發杭州

朝散郎前秀州司錄事洪皓上疏論今內患甫平外敵方熾若輕至建康恐金人乘虛侵

軼宜遣近臣先往經營庶事告辦鳴鸞未晚也時朝議已定不從五月乙酉至江寧府七月辛

卯陞杭州為臨安府。○閏八月丁丑朔御筆朕欲定

居建康不復移蹕與夫右趨鄂岳左駐吳越山川形

勢地利人情孰安孰危孰利孰害三省可示行在職

欽定四庫全書

咸淳臨安志
卷一

事管兵官條具以聞始張浚建武昌之議是日百官

封事皆言岳鄂道遠饋餉難繼又慮上駕一動則江

北羣盜乘虛過江翌日輔臣入對卒定東巡之策。○

丁亥上召諸將問以移蹕之地張浚辛企宗勸上自

岳鄂幸長沙。○戊子呂頤浩等入對上曰浚企宗不

敢戰故欲避於湖南朕以為金人所恃者騎衆耳浙

西水鄉騎雖衆不得騁也。○壬辰監都進奏院周元

曜自京太廟奉迎藝祖以下神位九室至臨安。○壬寅

車駕發建康。十月癸未，車駕自建康府至臨安府。

○庚寅幸浙東。壬辰至越州。

四年四月，韓世忠獻敵江上呂頤浩請上幸浙西。甲申，下詔親征。御史中丞趙鼎言：「當竢浙西寧靜及建康之寇盡渡江，然後回蹕。」

紹興元年十一月戊戌，詔以會稽漕運不繼，移蹕臨安。二年正月丙午，車駕自紹興府幸臨安府。

四年十月丙子，上諭輔臣曰：「朕已屈己講和，而金復肆。」

欽定四庫全書

咸淳臨安志

三

侵陵，朕當親總六軍往臨大江決於一戰。遂詔親征。

○丁丑，以參知政事孟庾為行宮留守。戊戌，發臨

安府。奉天章閣祖宗神御以行。

壬寅入居平江行宮

五年二月壬午，車駕自平江府幸臨安府。先是正月癸

亥，參知政事孟庾上表恭請車駕還臨安府，詔答曰：

「朕夙嚴戎駕，底定邊虞。小次舍於吳門，住宅師於建」

鄴。載念江山之勝，屢經兵火之餘。雖有司板築以時，

并繕官府城池之役，顧斯民襁負而至，尚無邑屋廬

舍之依，復覽封章力祈還幸。見官儀而思漢諒，南北

之一心從仁人而居邠，亦父老之誠意。勉徇來牘，暫

議回轅。想遲警蹕之音，益慰羽旄之喜。可依所請，暫

回臨安府。駐蹕戶部侍郎兼權知臨安府梁汝嘉率

本府父老僧道士庶上表迎回車駕。是日，賜臨安府

官吏軍民等詔書曰：「朕萬騎時巡，方圖遠略。九廟未

復，其敢奠居比臨江上之師，覲殄目中之寇。遂頒前

詔，暫議還轅。汝等並傾向日之心，咸起望雲之意。有

欽定四庫全書

咸淳臨安志

四

嘉愛戴，諒慰忠忱。遂以二月丁丑發平江。

六年八月甲辰，手詔略曰：「干戈未息，疆場多虞。遣戌經

時不離甲冑，飛芻越險。久棄室家，爾則效忠。朕寧不

愧，是用當饋投匕。未明求衣，弗辭馬上之勞，以便軍

中之務。諒彼同舟之衆，知我發軔之情。咨爾有官各

揚其職，布告中外。悉使聞知，時張浚自江上歸，力陳

建康之行為不可緩。朝論不同，上獨從其計。眉州布

衣師維箬上中興十策，請車駕視師。下其議於朝，浚

以為可用會謀報劉豫有南窺之意趙鼎乃議進幸

平江○九月丙寅發臨安府癸酉次平江

七年三月辛未幸建康

八年二月戊寅車駕自建康府幸臨安府先是七年閏

十月趙鼎議回蹕臨安趙鼎事實曰上議回蹕諸公初無異議鼎獨曰今日復回

臨安四方必謂朝廷但務退縮無興舉之意豈知陛下聖算初不如如此今固不可戶曉唯是他日准上有警却須前進鼓作諸軍庶幾進退合宜上嘉納於是降旨先發百司使民間預知乃以建康守臣兼行官留守示往復兩都居無常所蓋自十二月降旨至明年二月始離江左期既不迫上下帖然以明

欽定四庫全書

咸淳臨安志

五

年二月七日起發上因諭趙鼎曰建康諸官司及百官廨舍皆令照管他時復來幸免

更營造以傷民力鼎等奏已令建康府拘收且言金人遂以大河之南歸我當且駐蹕建康以俟經營

既至遂下詔曰昔在光武之興雖定都於洛而車駕

往返見於前史者非一用能奮揚英威遞行天討上

繼隆漢朕甚慕之朕荷祖宗之休克紹大統夙夜危

懼不常厥居比者巡幸建康撫綏淮甸既已申固邊

圉獎率六軍是故復還臨安內修政事繕治甲兵以

定基業

宮闕一

大內

在鳳凰山即杭州州治建炎三年二月詔以為行宮

時執政奏屋宇隘窄上猶以百官六軍未得所居不御紹興元年十一月詔守

臣徐康國措置草創有旨不得華飾僅蔽風雨足矣未暇丹雘亦無害時修內司乞

造三百間二年九月南門成詔名曰行宮之門三年

詔梁汝嘉創廊廡於南門之內以百官遇雨泥行非便十八年

名南門曰麗正北門曰和寧門外各有百官待漏院東苑門曰

欽定四庫全書

咸淳臨安志

六

東華二十八年增築皇城東南之外城時禁中間有

營建大率因事立制務在儉樸列聖相承罕所增益

內廷事秘臣下不能詳知今載大畧如左

文德殿

正衙 六參官起居 百官聽宣布

紹興十二年建

紫宸殿

上壽

大慶殿

朝賀

明堂殿

宗祀 詳見後明堂門

集英殿

策士

以上四殿皆即文德殿隨事揭名

垂拱殿

欽定四庫全書

咸淳臨安志卷一

常朝 四參官起居

紹興十二年建

後殿

淳熙六年間建

延和殿

垂拱及後殿之後皆有此殿遇聖節冬至正旦寒

食大禮齋宿 或避殿 則御焉

崇政殿

即祥曦殿

福寧殿

御寢

復古殿

高宗皇帝建理宗皇帝重修御製記曰復古殿者

高宗皇帝燕閒之所御也惟帝以聖神文武之資

履中天艱難之運颺回霧塞民莫底寧先物沈幾

皇威者定遂能削平羣寇攘却外夷炎德重輝系

欽定四庫全書

咸淳臨安志卷一

隆帝統皇皇乎中興之功視周宣王漢世祖蓋有

光焉內殿禁嚴名曰復古以為省覽延訪之所厥

既躋時又安王度鼎飭謨烈 闕 垂祐無窮如

豐水有芑數世之仁而茲實源委之所發也如日

月照臨顯於西土而茲實光躔之所舍也固宜億

萬斯年昭揭敬仰歲久弗葺寢成侈圯其可緩歟

臣以寡昧紹休聖緒奉先帝宮室常恐羞之何敢

興創竊嘗肅瞻斯殿有慨慕風烈之心庶幾萬一

之願因宿儲餘材益以禁帑命工繕修舊規是仍
堅實是務無有逾侈落成協吉忱念保邦致治莫
不有本我高宗皇帝儲精蠶濩明見萬里聖心所
運與天同大蓋不勉而中不思而得從容中道上
聖之道也臣之非冲奚可言此惟當堅持誠心祇
率憲度周旋遵守如親面命聽言接下則惟忠直
是尚安遘厚民則惟惠信是先兼咨訪之長戒清
明之汨日積月累可測知祖道之淵源以養天下

欽定四庫全書

咸淳臨安志

九

而愧未能也謹登載梗概併庸自警且以來忠告
之善又御製詩曰烈祖謀詒燕冲人命紹龜禁嚴
瞻復古締創想當時鳳紀因多歷翬飛欲寢隳端
居常念此涼德恐羞之勉輯炎興業新還舜禹規
棟驤非玉瑱樸斲僅塗茨咫尺羹牆見延洪典則
貽緬懷光宅舊儼若煥章垂聖志惟先定鴻名寓
有為風烟沈廟算天日俯疇咨屏翰環方召言謨
富貴夔權綱歸總攬制度永維持養士翔鴛鷺

兵振虎貔宣王脩政日光武中興時文治綏函夏
英威邇遠夷萬年丕顯績三紀太平基繼述慙非
稱規恢動慨思肯堂心翼翼景行日孜孜載繹車
攻雅宜賡考室詩告成書梗概拜手緝蕪辭
損齋

紹興二十八年十一月內出御製親札損齋記石
本賜羣臣諭宰執曰朕宮中嘗闢一室名為損齋
屏去聲色玩好置經史古書其中朝夕燕坐亦嘗

欽定四庫全書

咸淳臨安志

十

作記以自警記曰嘗謂當天下之正位撫域中之
萬微苟日徇異物而無以立其獨則多見弊精神
疲志意而不知止廣宴游事不急而牽於愛膠膠
擾擾莫收其放心顧能回光抑損之道豈不較然
有感於斯且漢唐之君樂道為切而未燭元覽者
武帝以雄心內慕神仙外攘夷狄窮兵黷武天下
騷然矣非用損以持盈也明皇以侈心委信逆臣
彌縫斯文耽惑內嬖烟塵四溟矣非知損以守位

也推原本指俱失滿戒茲鑒往事夕惕以思凡追
逐時好一切長物率屏去不復經意常恐昧於省
已積習易溺日叢脞於悔吝几案間但有書史以
商畧古今盡撤無益示不貴之化其於蕩心侈目
惑志害性者罔不掃除清心寡欲省緣薄費者奉
以周旋焉不則染毫弄翰真草自如濃淡斜行茂
密惟意第於筆硯間有未能忘情似賢乎已夫乾
坤之道易簡也易簡則天地之理得矣傳曰器用

欽定四庫全書

咸淳縣志

十一

不作車服從給信斯言哉宵旰餘暇乃闢廬之
側明窓戶為游息之所欣然撫前說榜曰損齋朝
夕清燕視以自警庶幾損德之修自奉養有節式
稽于訓

選德殿

孝宗皇帝建以為射殿御坐後有大屏分畫諸道
列監司郡守為兩行各標職位姓名又圖華夷疆
域于屏陰詔學士臣周必大為記并書

皇帝踐祚
以來宮室

苑囿一無所增修獨闢殿于禁垣之東名之曰選
德規模樸壯為陛一級中設漆屏書郡國守相名
氏羣臣有圖方畧來上可採者輒棲之壁以備觀
覽數延文武講論治道詢求民隱至于中外奏報
若軍國之幾務皆于省省決暇則細繹經傳或親
御弧矢雖大寒暑不廢臣必大俟畢禁林間嘗奉
詔獲至馬一日命臣汝為之記臣愚學不足以推
廣聖意詞不足以鋪陳事美謹采詩禮古文以射
觀德事及後世得失所繇次第其說禮君世子生
三日射人以弧矢六射天地四方其早正素定若
此至擇士以祭必於射也進退天下之才與祭者
繇是得為諸侯卿大夫若屬有賓客之事燕勞之
寵莫不用射詩人又于其獻酌歌嘏之餘中度不
中度罰爵與否有所休戚美刺以為是王公大人
風化黎庶者之本也由是觀之古者君臣周旋禮
樂以服習勤苦可不謂先事知懼安而能危者哉

欽定四庫全書

咸淳縣志

十三

是故三代而上卿士皆可為將而兵民為一戎不
生心世用底定比其季也徒以為威儀觀美而實
不副馳騁弋獵而政不舉則國人為之隱憂而變
風作其後王道寢缺而文武兵農遂分而不合自
秦漢而下其興衰治亂鮮不以兵一夫關弓注矢
則途之人往往驚駭免逸之不暇烽燧纔舉而士
大夫至無可使未免援將行伍之中何者其具素
無也天錫陛下勵精百世之後追蹤太古之初謂
射本男子之事非專于用武也射所以觀德非專
于觀威也故為是殿以延羣臣以裁幾務以閱圖
史而命名則主乎射焉起居日用之間既已默示
其理思其義觀感而化從上攸好勝負之爭而揖
遜之寓勇力之尚而仁義之實開邪安于真積習
貫同乎自然可以興賢能可以詢衆庶合兵民于
已判同文武之異轍將于是乎在昔者宣王中興